

Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Sektor za javna preduzeća i javne ustanove

Broj: 19-45-12842/22
Zenica, 14.06.2022. godine

STRUČNA SLUŽBA GRADSKOG VIJEĆA

PREDMET: Izvještaj o radu JP "Zenicagas" d.o.o. Zenica za 2021. godinu

Sektor za javna preduzeća i javne ustanove u ime Skupštine razmotrio je Izvještaj o poslovanju JP "Zenicagas" d.o.o. Zenica za 2021. godinu sa pripadajućim setom izvještaja. Nakon analize dostavljenih dokumenata, Sektor konstatuje:

U 2021. godini JP "Zenicagas" d.o.o. Zenica je zastupao direktor Sandino Rizvanović, dipl. oec., dok su funkciju Nadzornog odbora obavljali Jasmina Maličbegović, Edin Berberović i Nermin Begović (Nermin Begović je na lični zahtjev razriješen dužnosti 16.12.2021. godine, a zamijenio ga je Ernad Bešlagić).

Osnovna djelatnost JP „Zenicagas“ d.o.o. Zenica jeste distribucija gasovitih goriva distribucijskom mrežom. Preduzeće je osnovano s ciljem uspostavljanja gasne mreže za područje Grada Zenica, te pružanje usluga svim pravnim i fizičkim licima nakon izvršene gasifikacije. Cilj je da Preduzeće upravlja sigurnošću snabdijevanja gasom, količinama gasa, te da osigura cijene gasa po kojoj bi isto bilo konkurentno. Distribucijom prirodnog gasa doprinjet će se dodatnom poboljšanju kvalitete zraka u gradu Zenica.

Na dan 31.12.2021. godine Preduzeće je zapošljavalo 6 radnika. Prosječna neto plata isplaćena zaposlenim je iznosila 1.042 KM.

U periodu 01.01. do 31.12.2021. godine ostvareni su ukupni prihodi u iznosu 203.622,00 KM i svi priznati prihodi su prihodi budžeta Grada Zenica, osim iznosa 160 KM koje je Preduzeće fakturisalo za izdavanje saglasnosti. Iznos od 203.462 KM su namjenska sredstva za pokriće troškova (troškovi zaposlenih, materijalni i nematerijalni troškovi, amortizacija, i sl.). svaka uplata od strane Grada Zenica je iz budžetskih sredstava sa jasno utvrđenom namjenom za pokriće tekućih troškova, te za namjenska ulaganja u stalna nematerijalna i materijalna sredstava.

Ukupni rashodi u izvještajnom periodu iznose 203.462,00 KM, koji također u cjelokupnom iznosu predstavljaju poslovne rashode pokrivene poslovnim приходima. najznačajniji rashodi odnose se na troškove plata zaposlenih i naknada Nadzornom odboru sa pripadajućim porezima i doprinosima i čine čak 82% ukupnih rashoda.

Preduzeće je u 2021. godini imalo ulaganja u investicije u iznosu 256.402,86 KM (osigurana iz budžeta Grada). JP „Zenicagas“ d.o.o.o. nije počelo sa obavljanjem djelatnosti i ne ostvaruje svoje prihode. Sve namjenske uplate od Grada Zenica mora da prizna na odloženim namjenskim novčanim sredstvima. Po izvršenom trošenju, namjenska sredstva treba evidentirati na odloženim приходima, shodno namjeni za koja su uplaćena.

U 2021. godini Preduzeće je apliciralo na više javnih konkursa za dodjelu grant sredstava. Fond za zaštitu okoliša FBiH odobrio je sufinansiranje aktivnosti na realizaciji projekta nabavke cijevi u iznosu 45.000 KM. Također, 28.01.2022. godine dobili su Rješenje o urbanističkoj saglasnosti za izgradnju složene građevine za gasifikaciju grada Zenica. Iako je navedeno Rješenje izdato u 2022. godini, ono predstavlja rezultate rada u prethodnoj godini.

Reviziju finansijskih izvještaja je obavilo Društvo za reviziju „Re-CONTROLLING“ d.o.o. Zenica, te su dali pozitivno mišljenje na iste. Naglasili su da izvještaji daju istinit i fer prikaz finansijskog položaja Društva, finansijsku uspješnost, i novčane tokove za 2021. godinu, te su u skladu sa Međunarodnim standardima finansijskog izvještavanja i računovodstvenim propisima koji se primjenjuju u FBiH.

U 2021. godini Nadzorni odbor je održao 6 sjednica, 4 redovne i 2 vanredne, na kojima je razmatrao različita pitanja iz svoje nadležnosti. U svom Izvještaju navode da su prepoznali da Direktor pristupa zadatku veoma ozbiljno i odgovorno, upravlja imovinom Preduzeća u najboljem interesu Preduzeća, te djeluje proaktivno koliko je to u njegovoj mogućnosti. Svojim odlukama su usvojili Izvještaj o poslovanju i Izvještaj nezavisnog revizora za godinu koja je završila 31.12.2021. godine.

Sektor za ekologiju i komunalne poslove, kao resor, nije dostavio svoj stav/mišljenje na priloženi Izvještaj o poslovanju.

Sektor za javna preduzeća i javne ustanove dostavlja Izvještaj o poslovanju Javnog preduzeća “Zenicagas” d.o.o. Zenica za period 01.01. – 31.12.2021. godinu, sa pratećim izvještajima, Gradskom vijeću na dalje razmatranje i odlučivanje.

PRILOZI:

1. Izvještaj o poslovanju JP “Zenicagas” d.o.o. Zenica za 2021. godinu, koji uključuje Izvještaj o radu Nadzornog odbora za 2021. godinu, sa ocjenom rada direktora i ocjenom stanja u preduzeću,
2. Finansijski izvještaji za godinu koja je završila 31. decembra 2021. godine i Izvještaj nezavisnog revizora
3. Odluka Nadzornog odbora o usvajanju Izvještaja o poslovanju JP “Zenicagas” d.o.o. Zenica za 2021. godinu, koji uključuje Izvještaj o radu Nadzornog odbora za 2021. godinu, sa ocjenom rada direktora i ocjenom stanja u preduzeću, te Izvještaj nezavisnog revizora.

S poštovanjem,



Šefica sektora za
javna preduzeća i javne ustanove
Mia Pojskić

Mia P.

DOSTAVLJENO:

1x Naslov

1x a/a